

cat istud , quod paratur ex spir. nitr. & vini  $\tilde{a}a$  dr. f. vel  
*scrup.* ii, in aq. comm. tepida ad sudores provocandos  
exhibendum. Æger verò ut quiescat, nec moveatur,  
quamvis difficile sit, monet *idem*:

(a) *in prax. chym. p. m.* 184.

## X X I X.

*Externa* tandem, quæ in usum hic veniunt, obveniunt varia. *Fomentum* ex emollientibus & discutientibus, præmissis iis tamen, quæ *Th. 29.* monet, & materia aliquò modò jam imminutâ. Eodem nomine parandum *linimentum* v. g. istud Mercati: (a) Rx. galban. in spir. vin. solut. dr. ii. ol. rut. nardin.  $\tilde{a}a$  unc. i. croc. gran. vi. cer. alb. q. s. F. *Linimentum*. Axungiam cati Sylvestris umbilico inunctam præsentissimum esse remedium *Agricola* (b) contendit. Olei saponis gran. vi. cum gossypio indita umbilico, contra colicam valere *Sennertus* (c) docet. Singulariter laudat *Saxonia* (d) *fomentum* ex furfuribus in vino albo generoso madefactis in sacculo calide applicatum: nec minus filo crudo tribuit. *Emplastrum*, quale parat *Zacutus* (e) quodq; fidissimum vocat experimentum. Est vero istud: Rx. vini generos. odorif. libr. ii. spir. vin. libr. i. aq, cinamom. unc. iii. balsam. unc. ii. ol. d. liquidambr. unc. i. ol. rut. camomill.  $\tilde{a}a$  unc. ii. ol. terebinth. anis. & d. cost.  $\tilde{a}a$  unc. i. ol. amygd. d. unc. iii. ol. d. bacc. laur. unc. un & s. fl. camomill drachm. iii. fl. stachad. rorismarin.  $\tilde{a}a$  dr. ii. anis. cymin. dauc. cinamom. dr. un. & s. ligni aloes dr. duas & s. calam. arom. dr. i. styrac. calamith. dr. un. & s. styr. liquid. unc. s. F. s. a. emplastrum supra partem dolentem, non tamen nisi vacuatò corpore, imponendum. *Balneum* ex emollientibus & calefacientibus paratum quippe quod tutissimum & efficacissimum est, cùm flatus per